



UNIVERSITÄTS-
BIBLIOTHEK
PADERBORN

Conceptvs Chronographicvs De Concepta Sacra Deipara

Zoller, Joseph

Augustæ, Anno 1712

XLVIII. Una mulier Hebræa fecit confusionem in domo Regis Nabuchodonosor: Ecce enim! Holofernes jacet in terrâ, & caput ejus non est in illo. Judith. c. 14. v. 16.

[urn:nbn:de:hbz:466:1-75950](https://nbn-resolving.org/urn:nbn:de:hbz:466:1-75950)

à ruinâ communî gratiosissimè præservatâ dignissimâ Numinis Genitricæ, quæ ab æterno specialiter sègregata, imminente se periculo jugiter subduxit, sicque sola evasit innocua, quia immaculatè concepta.

§. 7. *Anagramma.*


LVCtVM ADæ SIne Labe
Ignoras.

329

Lucum Adami ignoras: En pia Mater, Ave!

Verfio litteralis

Ave Maria, gratiâ plena, Dominus tecum.



De Conceptâ Sacrà Deiparâ.

CONCEPTUS XLVIII.

§. I. *Scriptura.*330. Infernali HOloferni ab InItIo
CapVt aDIMens.

Judith c. 14. v. 16. *Una Mulier hebræa fecit confusionem, in domo Regis Nabuchodonosor: Ecce enim Holofernes jacet in terrâ, & caput ejus non est in illo.*

CUm invicta Judith, formosissima illa, ac piissima pariter Heroïna, caput impium Holofernis, à Rege Nabuchodonosore, ad subijciendam sibi Bethuliam submissi, glorioso stratagemate detruncâset, ac liberatæ exinde Civitati optatissimum rei eventum ovans retulisset, hæc ait: *Vivit autem ipse Dominus, quoniam custodivit me Angelus ejus, & hinc euntem, & ibi commorantem, & inde huc revertentem, & non permisit me Dominus Ancillam suam coinquinari, sed sine pollutione peccati revocavit me vobis, gaudentem in victoriâ suâ.* Porro Ozias dixit ad eam: *Benedicta es tu Filia à Domino DEO excelsò, præ omnibus mulieribus super terram. Benedictus Dominus, &c. qui te direxit in vulnera capitis principis inimicorum nostrorum.* Interim autem innotescente Assyrijs funestâ Principis sui tragediâ, hæc eorum erat lamentatio: *Una Mulier hebræa fecit confusionem in domo Regis Nabuchodonosor: Ecce enim Holofernes jacet in terrâ, & caput non est in illo.* Be-

thuliâ interim totâ Judithæ acclamante: *Tu gloria Jerusalem, tu letitia Israël,* c. 15. v. 16. *tu honorificentia populi nostri, &c.* Nec immeritò; erat enim ex tunc Juditha præclarior universæ terræ: erat etiam virtuti castitas adjuncta, ita ut non cognosceret virum, omnibus diebus vitæ suæ, ex quo defunctus est Manassès vir ejus. Dies autem (ut verbis S. Scripturæ per omnia utar) *Dies autem Victoriæ hujus Festivitatibus, ab Hebræis in numero sanctorum dierum accipitur, & colitur à Judæis, ex illo tempore, usque in præsentem diem.* v. 3

Quid hic aliud in Judithâ, quàm gloriosissima illa Holofernis Tartarei Triumphatrix MARIA describitur? si enim adhibenda fides Alexandro Alensi, *Judith*, inquit ille, *Beatam Virginem tam factò, quàm interpretatione designat; interpretatur enim Conficiens, sive glorificans DEUM, &c.* & sanè, *vivit Dominus, quia custodivit MARIAM Angelus ejus, & hinc euntem, & ibi commorantem, & inde huc revertentem, id est, tam dum conciperetur, quàm cum in utero Annæ commoraretur, & exinde in lucem progredere; Nec enim permisit Dominus Ancillam suam ullâ peccati labe coinquinari, sed sine pollutione peccati, in victoriâ suâ gaudentem specialissimè præservavit.* Acclamare ergò cum Oziâ, vel potiùs cum Gabriele, Virgini Triumphatrici possumus: *Benedicta tu in mulieribus, imò, &*

c. 13. v. 20.

v. 24.

& benedictus fructus ventris tui, qui Te singulariter direxit, ad vulnus capiti Principis tenebrarum infligendum. Lamentetur orcus, quòd per Te solam (Virgo purissima, Mulier invictissima, Heroïna præstantissima!) facta sit confusio in Regno Luciferi, hoste superbissimo, capite contrito, in terram prostrato, ut dici similiter de Te possit: *Una Mulier hebraea fecit confusionem, in domo Regis Nabuchodonosor, id est Luciferi.* Nos interea non cessabimus benedicere tibi cum Bethulien-sibus, dicentes: *Tu gloria Jerusalem: Tu lætitia Israël: Tu honorificentia populi nostri, &c.* Et meritò quidem; es enim præclarior univèrsa terræ, imò univèrsæ, si DEUM excipiamus, Cœlestis Curia, Regina Sanctorum omnium solenni-ter inaugurata. Erat prætereà forti-tudini Tuæ tanta adjuncta castitas, ut quantumvis Virgo pareres, virum tamen nunquam cognosceres, Te ip-sâ attestante: *Quoniam virum non cog-nosco.* Quid ergò superest, nisi ut di-es Victoriæ hujus, sive devotissima immaculatæ Conceptionis tuæ Solen-nitas, in numero Sanctorum dierum, ab univèrsis Christi fidelibus accipiatur, ac gloriosa adempti abinitio capitis in-fernalis Holofernus memoria, spiri-tualis cordis lætitiâ, perpetuis tempo-ribus celebretur? dignum insuper, ac justum est, ut sicut Judithæ illi, Bethulien-sium liberatrici (referente Sacra Scripturâ) donata fuere omnia Holofernus spolia, eò quòd caput il-lius impium, heroicâ quâdam genero-sitate præscidisset, ita Tibi, Virgo Beatissima! quæ caput Dæmonis, hoc est, Originale peccatum, tan-quam principium, & caput omnium reliquorum peccatorum, glorioso pe-de contrivisti, fuerint concessa om-nia illa gratiæ spolia, quæ Dæmon ante miserum ejus casum possidebat, inter quæ illud unum magni utique momenti fuit, quòd in gratiâ, Angelo-rum instar, oriebaris, sicque omnis peccati labem penitus ignorabas. Nos interim hæc omnia in novâ Judithâ nostrâ, purissimâ Dei Genitrice, at-

tentiùs considerantes, in id unum si-mus solliciti, ut sicut de eadem Judi-thâ scriptum reperitur: *Nec erat, qui loqueretur verbum malum de eâ,* ita & ne-mo nostrum adeò temerarius invenia-tur, qui malum aliquod in Virginis Conceptionem irrepsisse, ore suo pro-ferre audeat.

§. 2. *Authoritas.*

S. GregorIVs NeoCesarensIs, 331.
Marla, ILLibata Deipara
testis.

1. *MARIA* sic gratiâ plena dicitur, quòd in illâ Virgine totius gratiæ thesaurus re-conderetur, quæ sola ex omnibus genera-tionibus sancto corpore, & spiritu fuerit, sola ferens eum, verbo qui portat omnia, & non solum Angelus pulchritudinemSan-ctæ Virginis, sed & virtutes animæ admi-ratur, & idcirco gratia plenam appella-vit. Serm. 1. de Annunc.
2. Convenienter S. *MARIAM* ex omni-bus generationibus solam gratia elegit, nec similis ei ex omnibus generationibus ulla unquam est reperta. Ibid.
3. Dominus noster *JESUS* Christus, immu-tabiliter ex purâ, & castâ, & impollutâ, ac Sanctâ *MARIA* Virgine progredi-tur. Ibid.
4. *Quare & Tu Sancta, & omni humanâ creaturâ gloriosior, ac purior, sanctior effecta es, ac nive quidem candidiorem habes mentem, quovis autem auro, quan-tumvis probato, purificatum magis cor-pus.* Ibid.
5. *Missus servus incorporeus, ad Virginem inviolatam, atque immaculatam: missus est à peccato liber, ad corruptionis, seu labis expertem.* Serm. de Annunc.

§. 3. *Ratio.*

ROMa taCens Consentire 332.
VIDetVr.

Juxta Regulam Juris in Sexto: *Qui tacet, consentire videtur;* Sed Romana sedes, sciens, & videns, Immacula-tam Deiparæ Virginis Conceptionem communiter à Christi fidelibus sum-mâ

mâ devotione venerari, coli, & quasi pro articulo credi, audiens insuper, in hanc jurari à plerisque Universitatibus, & Doctoribus, &c. tamen his omnibus non contradicit, sed tacet; cum tamen, si bonis moribus, aut Fidei foret contraria, omninò teneretur, & posset contradicere: imò in hujus Conceptionis majorem honorem, institutis Octavis, Congregationibus, Confraternitatibus, alijsque devotionibus, varia privilegia, atque Indulgentias impertitur: Ergo consentire, id est, omninò approbare videtur hanc piam sententiam, de immaculatâ, in primo instanti, Deiparæ Conceptione.

§. 4. *Historia.*


333. DetraCTOR ILLIBATÆ, In Castro BACVLI præDICans, Latrat Instar Canis.

SERmonem, in Castro Baculi, die quâdam Concionator instituerat, ac in eo, contra illibatam Virginis Conceptionem ardentius loquendo, longiorem jam moram protraxerat, cum immutatâ confestim voce, edere incepit latratus complures, caninis haud absimiles. Mirari hâc omnes, ac justissimam indignantis Numinis reprehensionem animadvertere. Auxit præterea horrorem casus immediatè subsequutus: cum enim statua quædam pulcherrima, Virginem immaculatam representans, ex lapide eleganter sculpta, super fores Ecclesiæ posita fuisset, illa, nemine attingente, magno fragore, ad terram decidens, in plurima frusta est comminuta. Quantus exinde in plebe rumor exortus fuerit, ac quanta in calumniatorem hunc Virginis exacerbatio, explicare non sufficio: lapidibus certè obruissent Oratorem, nisi maturâ sibi ad domicilium consuetum fugâ consulisset: imò ipsam ejus habitationem destruere jam paraverant, nisi protegente Domino Castri, ac armatam militum cohortem in tutamen submitte, domestici

illi ulterius conservati fuissent. *Bernardin. de Busli Serm. 7. de Concept.*

§. 5. *Symbolum.*

LABYRINTHO ORIGINALI,
non seDVCTa MARIA.



En Labyrinthus adest! verum si laboris intus,
Non Labyrinthus erit, sed labor intus erit.
Non Labyrinthus erat Paradisus, sed labor intus,
Nempe ubi, tor lapsis, una labore caret.

De mandatis tuis non erravi. Psal. 118. v. 110

§. 6. *Antiquitas.*

HORRENDA CHIMÆRA, à BELLE- rophonte transFIXA.

FABulosa Antiquitatis commentum est, Bellerophontem, laudatissimæ indolis Juvenem, Glauci Regis Ephyræ filium, cum ad maxima quæque natus videretur, missum fuisse à Minervâ, vel (ut alijs placet) à Neptuno, ad interficiendam Chimæram, monstrum planè horrendum, informe, ingens, ignem evomans, capite & pectore referens Leonem, ventre Capram, caudâ Draconem: cumque tentamentum periculis compluribus foret obnoxium, Minervam Bellerophonti Pegasum tradidisse, seu equum alatum, cicuram, frænoque assuetum, cujus benefici-

neficio, Chimæram illam horrendam, felicissimo teli jactu, transfigens, magno Numinum applausu, gloriose prostravit.

Quid de MARIA sine labe conceptâ, vel ad veritatem expressius, vel ad laudem adferri potest illustrius? cum & ipsa Regis æterni filia, Mater, ac sponsa, proinde ad maxima quæque non nata tantum, sed *ab æterno ordinata*, missa fuerit specialissimè à Cœlesti Minervâ, æternâ nimirum Sapientiâ, ad interficiendam Chimæram peccati originalis, Monstrum utique horrendum, informe, ingens, ignem evomans iræ Divinæ, æternæque damnationis, non Leonem tantum, Capram, & Draconem, sed omnem excogitabilem referens deformitatem. Quo autem medio MARIA hanc Chimæram, tot monstra unitim representantem debellavit? certè non alio, quàm Pegaso, sive equo illo felicissimo, ac velocissimo, à Cœ-

lesti Minervâ sibi subministrato, Gratiâ nimirum Divinâ, feliciter, ac velociter præveniente, juxta illud: *Suaviter equitat, quem gratia DEI portat.* Huic firmissimè insidens MARIA, pleneque cursu hostem præveniens, magno totius Cœli, terræque applausu, Monstrum, acutissimo teli puncto, puncto scilicet Conceptionis primo, transfixit, ac purissimè concepta adeò prostravit, ut dixisse sufficiat, Chimæram defensurum, qui originali labe infectam MARIAM etiamnum vellet defendere.

§. 7. *Anagramma.*

absqVe peCCato; nam 336.
Virgo Deipara.

En tu immaculata es! nam Virgo Deipara.

Versio litteralis.

Ave Maria, gratiâ plena, Dominus tecum



De Conceptâ Sacrâ Deiparâ.

CONCEPTUS XLIX.

§. I. *Scriptura.*

337. ALtera EVA, MeLIor ILLâ,
DEO obseqVens.

Esther c. i. v. 19. *Nequaquam ultra Vasthi ingrediatur ad Regem, sed Regnum illius altera, quæ melior est illâ, accipiat.*

Recusante Vasthi Reginâ Regis pariter, ac mariti sui imperium, ac venire ad illum contemnente, suadentibus Aulæ proceribus, sequens divulgabatur edictum: *Ut nequaquam ultra Vasthi ingrediatur ad Regem, sed Regnum illius altera, quæ melior est illâ, accipiat.* quod & factum; nam Esther *Formosa valde & incredibili pulchritudine, omnium oculis gratiosa, & amabilis*, ducta est ad cubiculum Re-

gis, & adamavit eam Rex plus, quàm omnes mulieres, habuitque gratiam, & misericordiam coram eo. *super omnes mulieres, & posuit diadema Regni in capite ejus, fecitque eam regnare, in loco Vasthi, &c.*

Eundem prorsus in modum, recusante Evâ, primâ muliere, Regis Regum, Creatoris sui imperium, ac impositam à fructu ligni, in medio Paradisi situati, abstinentiam contemnente, sequens (sic exigente Divinâ justitiâ) divulgabatur edictum, ut scilicet è deliciosissimo Paradisi orto quantocyus proscripita prævaricatrix Eva, nequaquam ultra ingredere-
tur, sed regnum illius, primam scilicet innocentiam, ac communem cunctorum viventium maternitatem altera, quæ melior est illâ, acciperet. Sed quæ-

X 2

nam